

## 女青

【释名】雀瓢。

**根**

【气味】辛，平，有毒。

【主治】蛊毒，逐邪恶气，杀鬼温症，辟不祥。本经。

【附方】旧二，新一。人卒暴死捣女青屑一钱，安咽中，以水或酒送下，立活也。南岳魏夫人内传。吐利卒死及大人小儿，卒腹皮青黑赤，不能喘息。即急用女青末纳口中，酒送下。子母秘录。辟禳瘟疫正月上寅日，捣女青末，三角绛囊盛，系帐中，大吉。肘后方。

## 鼠尾草

【释名】荔山陵翘、乌草、水青。

**花、叶**

【气味】苦，微寒，无毒。

【主治】鼠痿寒热，下痢脓血不止。白花者主白下，赤花者主赤下。别录。主疟疾水蛊。时珍。



【附方】旧一，新三。大腹水蛊方见马鞭草下。久痢休息时止时作。鼠尾草花捣末，饮服一钱。圣惠方。下血连年鼠尾草、地榆二两，水二升，煮一升，顿服。二十年者，不过再服。亦可为末，饮服之。千金方。反花恶疮内生恶肉，如饭粒，破之血出，随生反出于外。鼠尾草根切，同猪脂捣傅。圣济总录。

## 狼把草

【释名】郎耶草。

【气味】苦，平，无毒。

【主治】黑人发，令人不老。又云：郎耶草：主赤白久痢，小儿大腹痞满，丹毒寒热。取根茎煮汁服。藏器。狼把草：主丈夫血痢，不疗妇人。根：治积年疝痢。取草二斤，捣绞取汁一小升，纳白面半鸡子许，和匀。空腹顿服。极重者，不过三服。或收苗阴干，捣末，蜜水半盏，服一方寸匕。图经。可染须发，治积年癣，天阴即痒，搔出黄水者，捣末掺之。时珍。

## 狗尾草

【释名】莠光明草、阿罗汉草。



**茎**

【主治】疣目，贯发穿之，即干灭也。凡赤眼拳毛倒睫者，翻转目眦，以一二茎蘸水戛去恶血，甚良。时珍。

## 鳢肠

【释名】莲子草、旱莲草、金陵草、墨烟草、墨头草、墨菜、猢猻头、猪牙草。



草

【气味】甘，酸，平，无毒。

【主治】血痢。针灸疮发，洪血不可止者，傅之立已。汁涂眉发，生速而繁。唐本。乌髭发，益肾阴。时珍。止血排脓，通小肠，傅一切疮并蚕病。大明。膏点鼻中，添脑。萧炳。

### 连翘

【释名】连、异翘、旱莲子、兰华、三廉、根名连轺、竹根。

【气味】苦，平，无毒。

【主治】寒热鼠疫瘰疬，痈肿恶疮癭瘤，结热蛊毒。本经。去白虫。别录。通利五淋，小便不通，除心家客热。甄权。通小肠，排脓，治疮疖，止痛，通月经。大明。散诸经血结气聚，消肿。李杲。泻心火，除脾胃湿热，治中部血证，以为使。震亨。治耳聋浑浑焮焮。好古。



【附方】旧一。新二。瘰疬结核连翘、脂麻等分，为末，时时食之。简便方。项边马刀属少阳经。用连翘二斤，瞿麦一斤，大黄三两，甘草半两。每用一两，以水一碗半，煎七分，食后热服。十余日后，灸临泣穴二七壮，六十日决效。张洁古活法机要。痔疮肿痛连翘煎汤熏洗，后以刀上飞过绿矾入麝香贴之。集验方。

茎叶

【主治】心肺积热。时珍。



翘根

【气味】甘，寒，平，有小毒。

【主治】下热气，益阴精，令人面悦好，明目。久服轻身耐老。本经。以作蒸饮酒病人。别录。治伤寒瘵热欲发黄。时珍。

【附方】新一。痈疽肿毒连翘草及根各一升，水一斗六升，煮汁三升服取汗。外台秘要。

### 陆英

【气味】苦，寒，无毒。

【主治】骨间诸痹，四肢拘挛疼酸，膝寒痛，阴痿，短气不足，脚肿。本经。能捋风毒。脚气上冲，心烦闷绝，水气虚肿。风瘙皮肤恶痒，煎汤入少酒浴之，妙。甄权。

### 蒴藋

【释名】葶草、芟、接骨草。

【气味】酸，温，有毒。

【主治】风瘙隐疹，身痒湿痹，可作浴汤。别录。浴痼癩风痹。大明。



### 水英

【释名】鱼津草。

【主治】骨风。苏颂。

### 蓝

【释名】蓼蓝、菘蓝、马蓝、木蓝。

蓝实

【气味】苦，寒，无毒。







【主治】解诸毒。杀蛊蚊疰鬼螫毒。久服头不白，轻身。本经。蚊音其，小儿鬼也。填骨髓，明耳目，利五脏，调六腑，通关节，治经络中结气，使人健少睡，益心力。甄权。疗毒肿。苏恭。

### 蓝叶汁

【气味】苦，甘，寒，无毒。

【主治】杀百药毒。解狼毒、射罔毒。别录。〔弘景曰〕

解毒不得生蓝汁，以青襟布渍汁亦善。汁涂五心，止烦闷，疗蜂螫毒。弘景。斑蝥、芫青、樗鸡毒。朱砂、砒石毒。时珍。

### 马蓝

【主治】妇人败血。连根焙捣下筛，酒服一钱匕。苏颂。

### 吴蓝

【气味】苦，甘，冷，无毒。

【主治】寒热头痛，赤眼，天行热狂，丁疮，游风热毒，肿毒风疹，除烦止渴，杀疖，解毒药毒箭，金疮血闷，毒刺虫蛇伤，鼻衄吐血，排脓，产后血运，小儿壮热。解金石药毒、狼毒、射罔毒。大明。



【附方】旧十一，新六。小儿赤痢捣青蓝汁二升，分四服。子母秘录。小儿中蛊下血欲死。捣青蓝汁，频服之。圣惠方。阴阳易病伤寒初愈，交合阴阳，必病拘急，手足拳，小腹急热，头不能举，名阴阳易，当汗之。满四日难治。蓝一把，雄鼠屎三十枚，水煎服。取汗。圣惠方。惊痫发热干蓝、凝水石等分，为末，水调傅头上。圣惠方。上气咳嗽呬呀息气，喉中作声，唾粘。以蓝叶水浸捣汁一升，空腹频服。须臾以杏仁研汁，煮粥食之。一两日将息，依前法更服，吐痰尽方瘥。梅师方。飞血赤目热痛。干蓝叶切二升，车前草半两，淡竹叶切三握，水四升，煎二升，去滓温洗。冷即再暖，以瘥为度。圣济总录。腹中鳖癥蓝叶一升，捣，以水三

升，绞汁服一升，日二次。千金方。应声虫病腹中有物作声，随人语言，名应声虫病。用板蓝汁一盞，分五服，效。夏子益奇疾方。卒中水毒捣蓝青汁，傅头身令匝。肘后方。服药过剂烦闷，及中毒烦闷欲死，捣蓝汁服数升。肘后方。卒自缢死以蓝汁灌之。千金方。毒箭伤人蓝青捣饮并傅之。如无蓝，以青布渍汁饮。肘后方。唇边生疮连年不瘥。以八月蓝叶一斤，捣汁洗之，不过三度瘥。千金方。齿齧肿痛紫蓝烧灰傅之，日五度。圣惠方。白头秃疮粪蓝煎汁频洗。圣济录。天泡热疮蓝叶捣傅之，良。集简方。疮疹不快板蓝根一两，甘草一分，为末。每服半钱或一钱，取雄鸡冠血三二点，同温酒少许调下。钱氏小儿方。

### 青黛

【释名】靛花、青蛤粉。

【气味】咸，寒，无毒。

【主治】解诸药毒，小儿诸热，惊痫发热，天行头痛寒热，并水研服之。亦磨傅热疮恶肿，金疮下血，蛇犬等毒。开宝。解小儿疳热，杀虫。甄权。小儿丹热，和水服之。同鸡子白、大黄末，傅疮痂蛇虺螫毒。藏器。泻肝，散五脏郁火，解热，消食积。震亨。去热烦，吐血咯血，斑疮阴疮，杀恶虫。时珍。

【附方】旧六，新七。心口热痛姜汁调青黛一钱服之。医学正传。内热吐血青黛二钱，新汲水下。圣惠方。肺热咯血青饼子：用青黛一两，杏仁以牡蛎粉炒过一两，研匀，黄蜡化和，作三十饼子。每服一饼，以干柿半个夹定。湿纸裹，煨香嚼食，粥饮送下。日三服。华佗中藏经。小儿惊痫青黛量大小，水研服之。生生编。小儿夜啼方同上。小儿疳痢宫





气方歌云：孩儿杂病变成疳，不问强羸女与男。烦热毛焦鼻口燥，皮肤枯槁四肢瘫。腹中时时更下痢，青黄赤白一般般。眼涩面黄鼻孔赤，谷道开张不可看。此方便是青黛散，孩儿百病服之安。耳疳出汁青黛、黄檗末，干搽。谈野翁方。烂弦风眼青黛、黄连泡汤，日洗。明目方。产后发狂四物汤加青黛，水煎服。摘玄。伤寒赤斑青黛二钱，水研服。活人书。豌豆疮毒未成脓者。波斯青黛一枣许，水研眼。梅师方。瘰疬未穿靛花、马齿苋同捣，日日涂傅，取效。简便方。诸毒虫伤青黛、雄黄等分，研末，新汲水服二钱。古今录验。

## 甘蓝

【释名】蓝菜千金。

【气味】甘，平，无毒。

【主治】久食，大益肾，填髓脑，利五脏六腑，利关节，通经络中结气，心下结伏气，明耳目，健人，少睡。益心力，壮筋骨。作菹经宿色黄，和盐食，治黄毒。藏器。



子

【主治】人多睡。思邈。

## 蓼

【释名】青蓼、香蓼、水蓼、马蓼、紫蓼、赤蓼、木蓼。

实

【气味】辛，温，无毒。



【主治】明目温中，耐风寒，下水气，面浮肿痛痒。本经。归鼻，除肾气，去疔疮，止霍乱，治小儿头疮。甄权。

【附方】旧一新三。伤寒劳复因交后卵肿，或缩入腹痛。蓼子一把，水授汁，饮一升。肘后方。霍乱烦渴蓼子一两，香薷二两。每服二钱，水煎服。圣惠。小儿头疮蓼子为末，蜜和鸡子白同涂之，虫出不作痕。药性论。蜗牛咬毒毒行遍身者。蓼子煎水浸之，立愈。不可近阴，令弱也。陈藏器本草。

苗叶

【气味】辛，温，无毒。

【主治】归舌，除大小肠邪气，利中益志。别录。干之酿酒，主风冷，大良。弘景。作生菜食，能入腰脚。煮汤捋脚，治霍乱转筋。煮汁日饮，治痲癖。捣烂，傅狐尿疮。藏器。脚暴软，赤蓼烧灰淋汁浸之，以桑叶蒸罨，立愈。大明。杀虫伏砒。时珍。

【附方】旧四，新三。蓼汁酒治胃脘冷，不能饮食，耳目不聪明，四肢有气，冬卧足冷。八月三日取蓼日干，如五升大，六十把，水六石，煮取一石，去滓，拌米饭，如造酒法，待熟，日饮之。十日后，目明气壮也。千金方。肝虚转筋吐泻。赤蓼茎叶切三合，水一盞，酒三合，煎至四合，分二服。圣惠方。霍乱转筋蓼叶一升，水三升，煮取汁二升，入香豉一升，更煮一升半，分三服。药性论。夏月喝死浓煮蓼汁一盞服。外台。小儿冷痢蓼叶捣汁服。千金。血气攻心痛不可忍。蓼根洗剉，浸酒饮。斗门。恶犬咬伤蓼叶捣泥傅。肘后。

## 水蓼

【释名】虞蓼、泽蓼。

茎叶

【气味】辛，无毒。

【主治】蛇伤，捣傅之。绞汁服之，止蛇毒入腹心闷。又治脚气肿痛成疮，水煮汁渍捋之。唐本。





查看完整版

付费下载



---

## 【百万古籍库】

<https://www.fozhu920.com/list/>

【易】【医】【道】【武】【文】【奇】【画】【书】

1000000+ 高清古书籍

打包下载





## 【风水】风水命理资料合集\_9500 本

阴宅阳宅、风水堪舆、八字命理、手相面相、符咒卦象、奇门遁甲、紫微斗数.....



## 【中医】中华传统医学资料大全\_15000 本

针灸、推拿、正骨术、汉医、苗医、民间秘方偏方、药洒药方、祖传医术、珍本...



## 【道术】道家法术\茅山术\符咒术\气术\_3000 套

修真秘籍、丹道、道家秘术、胎息功、内丹术、茅山法术、道家符咒、巫术、...



## 【武术】传统武术与现代搏击术\_6200 册

少林、武当、太极拳、形意拳、八极拳、咏春拳、气功、散打、格斗、拳击、...



## **【集藏】经史子集库\_13300 卷**

【经史子集】楚辞、汉赋、诗集、词集、宝卷、正史、编年、别史、纪事本末、地理志...



## **【国画】传世名画 \_ 6100 卷**

唐、金、辽、宋、元、明、清 800 多位画家近 6000 多幅传世...



## **【县志】方志\地方县志\乡志\地理志\_8100 册**

府志、区志、乡志、地理志..... 此合集为全国范围地方县志\府志古籍影印电子版，...



## **【国学】中华古籍库—32 万册古籍书**

32 万册《中华古籍库》【32 万册影印古籍 + 20 多亿字，带检索器和阅读工具】包括各地方志、日本内...

**【更多】** >> <https://www.fozhu920.com/list/>